

ଯୋହନ୍ ଲିଖିତ ତୃତୀୟ ପତ୍ର ଯୋହନ୍ ଲେକ୍ତାଦ୍ ତୃତୀୟ ଚିଠି ଯୋହନ୍ ବଇ ବିଷୟରେ ଅଣ୍ଟାୟ ପଦ୍

୩ ଯୋହନ୍‌ରେ ଚିଠି ଯୋହନ୍‌ତତ୍, ୫୦ ରୁ ୧୦୦ କ୍ରିଷ୍ଟାବ୍ଦ ଲୋପେ ଜିସୁ କ୍ରିଷ୍ଟନ୍ ଜନମ୍‌ରେ ପେର୍କେ ଲେକା ଆସ୍‌ମାତ୍‌ରେ । ଯୋହନ୍‌ରେ ଦ୍ୱିତୀୟ ଚିଠି ଲେକାମ୍ ଇଦ୍ ଚିଠିତାଗ୍ ଗାଲା ନିଜେତିଙ୍କ ଲେକକ୍ ଲେକାମ୍ ପରିଚୟ ଇଞ୍ଜକଟ ନିଜେତିଙ୍କ ପ୍ରାଚିନ୍ ଲେକାମ୍ ପରିଚୟ ଇଦ୍‌ତଣ୍ ୧ ଯୋହନ୍ ୧:୧; ୨ ଯୋହନ୍ ୧:୧ । ଅଣ୍ଟା ଯୋହନ୍‌ରେ ଦ୍ୱିତୀୟ ଚିଠିତାଗ୍ ବେଲାନ୍ ଲେକିମାତ୍‌ତଣ୍ । ଇଦ୍ ବିଶ୍ୱାସ୍ ମାଡାନଙ୍କ ଆଦ୍‌ରେ ଯେ, ଅଣ୍ଟା ଏଫିସିତାଗ୍ ମାନ୍ଦାନ୍ ଝେଲେ ଯୋହନ୍ ଲେକାତାଦ୍ ସୁସମାଚାର ତତ୍, ମୁଣ୍ଟ ଚିଠି ମିକା ଲେକିମାତ୍‌ତନ୍ । ଆସ୍ତ୍ର ୧ ମ, ୨ ଯ ନୁ ୩ ଯ ଯୋହନ୍ । ଯୋହନ୍ ଗାୟ ପେଦେରରେ ଝେରଣ୍ଟ ବିଶ୍ୱାସିଙ୍କ ଇଦ୍ ଚିଠିତାଗ୍ ଲେକ୍‌ତଣ୍ । ଅଣ୍ଟା ଗାୟଙ୍କ ଝେରନ୍ ସାଙ୍ଗ ଇଞ୍ଜ କେସ୍ ଆଦ୍ ଜାଗାତାଗ୍ ଉତ ମାନ୍ଦାନ୍ କ୍ରିଷ୍ଟିୟାନ୍ ହେଲାତ୍‌ତାମୁତ୍, ସେଙ୍ଗେ କୁର୍ମାମ୍ ଆଦାନ୍ ସେଙ୍ଗେ ନିର୍ଦ୍ଦେସ୍ ଇଦ୍‌ତଣ୍ ।

ବଇତ୍ ଲୋପେ ମାନ୍ଦାନ୍ ମୁକ୍ୟ ବିଷୟ

୧. ଯୋହନ୍ ତାନ୍ ଚିଠିତାଦ୍ ପରିଚୟ ଇଦ୍‌ତଣ୍ । ୧:୧
୨. ଅଣ୍ଟା ଗାୟଙ୍କ ସାହାସ୍ ଇସ୍ ଆଦ୍ ପଡିୟେତାଗ୍ ଉତମାନ୍ଦାନ୍ ବିଶ୍ୱାସି ହେଲାତ୍‌ତାମୁତ୍, ସେଙ୍ଗେ କୁର୍ମାମ୍ ଆଦାନ୍ ମାଜିଦିଙ୍କ ନିର୍ଦ୍ଦେଶ୍ ଇଦ୍‌ତନ୍ । ୧:୨-୮
୩. ଅଣ୍ଟା ଇର୍ଜୁତ୍ ନାରୁତ୍, ତାୟୋତ୍ରପିସ୍ ନୁ ତିମିଟିଅସ୍ ବିଷୟରେ କେତିତଣ୍ । ୧:୯-୧୨
୪. ମାଡେଙ୍ଗ୍ ତାନ୍ ଲେକା ତେରସ୍ତିତଣ୍ । ୧:୧୩-୧୪

୧ ☆ପ୍ରାଚିନ୍ ଯୋହନ୍ ଯେ ନାନ୍ ନା ପ୍ରିୟ ସାଙ୍ଗ ଗାୟସ୍‌ରେ ଗାରେ

☆ ୧:୧ ପ୍ରେରିତ ୧୯:୨୯; ରୋମାୟ ୧୭:୨୩; ୧ କରନ୍ତିୟ ୧:୧୪.

ନାନ୍ ଚିଟି ଲେକ୍ତୁତାନ୍ । ବେନଙ୍କ ସତ୍ୟତେ ପ୍ରେମ ମାଡ଼ୁତାନ୍ ।

୨ ପ୍ରିୟ ସାଙ୍ଗ, ନିୟାଦ୍ ସାକ୍ଷ୍ୟ ନୁ ସାରେ ଲେକେଡ଼ କାମନା ମାଡ଼ି ନାନ୍ ଇଶ୍ବରତିଙ୍କ ପ୍ରାର୍ଥନା ମାଡ଼ୁତାନ୍, ନାନ୍ ପୁତ୍ରତାନ୍, ଆଦ୍ୟାମିକ ଜିଞ୍ଜେତାଗ୍ ନିମେ ଗାଟି ସୁସ୍ଥ ମିନ୍ଦେନି ।

୩ ନିମେ ବେଲା ସଡ଼ ପରୁ ବିଶ୍ବସ୍ତ ମିନ୍ଦେନି ନୁ ବେଲା ଜିଞ୍ଜେତାଗ୍ ସାରେଦାମ୍ ସଡ଼ ବ୍ୟବହାର ମାଡ଼ୁତିନ୍, ଇଦ୍ ଗର୍ ବେସକ୍ତୁଡ଼ କ୍ରିଷ୍ଟିୟ ବିଶ୍ବାସୀ ଦାଦାଲଡ଼ୁଆଗାଙ୍କ କେଞ୍ଜି ଶ୍ରେଡ଼କେ ଆଡ଼ତାନ୍ ।

୪ ନା ପିଲାକି ସଡ଼ତିଙ୍କ ପୟସ୍ମାଞ୍ଜି ଜିଞ୍ଜୁନ୍ ବାଦକ୍ତଡ଼ ଇଞ୍ଜି କେଞ୍ଜିକେ, ନାୟାଦ୍ ସାରେଡ଼ିଙ୍ଗ୍ ପେକେ ଶ୍ରେଡ଼କେ ଆଡ଼ତେ ।

ଗାୟାସ୍ତେ ସଡ଼କାମ୍ତେ ପ୍ରଶଂସା

୫ ପ୍ରିୟ ସାଙ୍ଗ, ବିଦେଶୀ କ୍ରିଷ୍ଟିୟ ମେସ୍ସେରିଡ଼, ସେଙ୍ଗେ, ଇଦ୍ ଲେକାମ୍ କି ଅଡ଼ ପୁନ୍‌ଶ୍ରେମାଡ଼କେ ମିକା, ଅଡ଼ ସେଙ୍ଗେ ନିମେ ନାଗେ ବିଶ୍ବସ୍ତ ବ୍ୟବହାର ମାଡ଼ୁତିନ୍ ।

୬ ମିୟାଦ୍ ପ୍ରେମ ବ୍ୟବହାର ବିଷୟତେ ଅଡ଼ ଇଗେଡ଼ ମଣ୍ଡୁଲିତାଗ୍ କେଡ଼ତଡ଼ । ନାୟାଦ୍ ଅନୁରଦ୍, ମିଡ଼ ଅଡ଼କିଂଙ୍କ ଆଦାନ୍ ସେଙ୍ଗେ ସାହାଯ୍ୟ ଇମୁର୍ । ଇଦିନ୍ ତଡ଼ ଇଶ୍ବର ଆନନ୍ଦ ଆଡ଼ତଣ୍ଡ,

୭ ବାତେଙ୍କଇକ୍ଟେ ଅଡ଼ ବିଶ୍ବାସ ଇଲ୍‌ଞ୍ଜେନଡ଼ାଗାଙ୍କ ବାତେ ମିକା ସାହାଯ୍ୟ ଆୟକର୍ କ୍ରିଷ୍ଟନ୍ ସେବା ସେଙ୍ଗେ ଇଦ୍ ଆଦାନାଗ୍ ପେୟଡ଼ତଡ଼ ।

୮ ମାନାଡ଼ କ୍ରିଷ୍ଟ ବିଶ୍ବାସସିଡ଼ ଅଡ଼କିଂଙ୍କ ସାହାଯ୍ୟ ମାଡ଼ି ସତ୍ୟତେ ତଅତାନ୍ ସେଙ୍ଗେ ଅଡ଼ କାମ୍‌ଦାଗ୍ ତଡ଼ ଆଦାନାଦ୍ ସାୟେ ।

ଡାୟୋଟ୍ରେପିସ୍ ନୁ ଡିମିଟ୍ରିଅସ୍

୯ ନାନ୍ ମୀଇ ମଣ୍ଡୁଲିତିଙ୍କ ସୁନ୍ଦରାଦ୍ ଚିଟି ଲେକ୍ତୁତାନ୍, କିନ୍ତୁ ମଣ୍ଡୁଲିତେ ନେତା ଆଦାନଙ୍କ ଇଞ୍ଜା ମାଡ଼ମାନ୍ ଡାୟୋଟ୍ରେପିସ୍ ନାୟାଦ୍ ଗର୍ଡ଼ିଙ୍କ କେଞ୍ଜିଣ୍ଡ ।

୧୦ ନାନ୍ ଆଗେ ଖାକ୍ଟେ, ଅଣ୍ଡ ବାତେ ମାଡ଼ୁତୁନ୍, ସାରେ ପ୍ରକାଶ ମାଡ଼ିଦତାନ୍, ମାନ୍ ବିଷୟତେ ଅଣ୍ଡ ବେସର୍ ବୟଙ୍କାର କେଡ଼ୁତଣ୍ଡ ନୁ ବେସର୍ ମିସ୍‌ଗର୍ କେଡ଼ୁତନ୍, ଆଞ୍ଜୁ ସାରେ ବାୟଦେ ପେୟଡ଼ିତା । ଆସରେ ଆୟ, ଅଣ୍ଡ କ୍ରିଷ୍ଟ ବିଶ୍ବାସି ଦାଦାଲଡ଼ୁକ୍ ଆତିତ୍ୟ ମାଡ଼ଣ୍ଡ ବା ଆଦ୍ ମାଡ଼ାନଙ୍କ ବାଗାତଙ୍କ ଶ୍ରେୟସ୍ ନୁ ବେନଡ଼ ଆଦ୍ ମାଡ଼ାନଙ୍କ

ଅଦୁତତ୍, ଅଡ଼କିଂଙ୍କ ମଣ୍ଡଳିତାଗାଙ୍କ ବଇଷ୍ଟାର ମାଡ଼ାନଙ୍କ ଚେଷ୍ଟା ମାଡ଼ିତୁଣ୍ଡ ।

୧୧ ପ୍ରିୟ ସାଙ୍ଗନତି, କୁଆଦର୍ଶତିଙ୍କ ପେକେ ଆନମାର୍, ମାତର୍ ସାୟେ ଆଦର୍ଶତିଙ୍କ ଗ୍ରହନ୍ ମାଡ଼ାର୍ । ବେନ ସତ୍ କାମ୍ ମାଡ଼ିତନ୍, ଅଣ୍ଡ ଇଶ୍ବରତେ ନାରୁଣ୍ଡ; ବେନ ଆସତ୍ କାମ୍ ମାଡ଼ିତନ୍, ଅଣ୍ଡ ଇଶ୍ବରତିଙ୍କ ପୁନନ୍ ।

୧୨ ସାରେ ତିମିଟ୍ରିଅସ୍ଙ୍କ ପ୍ରଶଂସା ମାଡ଼ତୁଡ଼; ସତ୍ କଲ୍‌ସାନ୍ ତୁଡ଼ତେ ଅଣ୍ଡ ପ୍ରଶଂସା ଆଡ଼ତନ୍ । ମାମେ ମିକିଂଙ୍କ ସମର୍ତନ୍ ମାଡ଼ତୁମ୍ । ମିଡ଼୍ ପୁଡ଼ତିଡ଼; ମାମେ ବାଡ଼ କେତିତମ୍, ଆଦ୍ ସାରେ ସାରେଦିନାଡ଼ ସେଙ୍ଗେ ସତ୍ ।

ମାଡ଼େଙ୍କତେ ଗଟ୍

୧୩ ମିକିଙ୍କ ନାୟାଦ୍ ନାଗେ ଗଟି କେତାନଦ୍ ମିନ୍ଦେ, କିନ୍ତୁ ଆହୁ ସାରେ ନାନ୍ ଇଞ୍ଜେ ଲେକାନଙ୍କ ଇଚ୍ଛା ମାଡ଼ନ୍ ।

୧୪ ମାଈ ତଡ଼୍ କାୟାଲିତାନ୍ ଇଞ୍ଜ ନାୟାଦ୍ ଆଗେ । ଆସୁଙ୍କ୍ ବ୍ୟକ୍ତିଗତ ବାବେ ଗଟି ଆଦିକାଡ଼୍ ।

୧୫ ମିଡ଼୍ ଶାନ୍ତିତେ ମାନୁର୍, ମାଈ ସାଙ୍ଗଡ଼୍ ସାରେତଡ଼୍ ମିକିଙ୍କ୍ ଶୁବେଚ୍ଛା ଜଣାମାଡ଼ତୁଡ଼୍ । ମାନ୍ ସାରେ ସାଙ୍ଗଡ଼୍ ବ୍ୟକ୍ତିଗତ ବାବେ ନମସ୍କାର ଜଣାମାଡ଼ିତିଡ଼୍ ।

ପୁନାବ୍ ଆର୍ବ୍
The New Testament in the Koya language of India:
ପୁନାବ୍ ଆର୍ବ୍ (Bible)

copyright © 2020 The Word for the World International and Koya Translation Samithi, Malkangiri, Odisha

Language: (Koya)

Contributor: The Word for the World South Asia

ପୁନାବ୍ ଆର୍ବ୍
ପୁନାବ୍ ନିୟମ୍ , 2020

The New Testament in Koya Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

72ff5787-bb80-584b-a1a0-0acd8a2fefae